

դարձվում մաքրության վրա, այնպես որ և կոտորոցն ամիսներ շարունակ կուտակվում է և ոտքի տակ ամրանալով գոյանում է **տարք**; որը **հետո կտրը** վում է աղյուսածև և գործ է ածվում որպես վառելիք: Ծենրը ցածր պատերով է շրջապատվում և շատ պարզ տանիքով ծածկվում: Արխաչը մեծ մասամբ փորվում է կամ սարալանջի մեջ, կամ շինվում է բնական քարայրի մեջ: Այծերի համար բաժանվում է հատակից մոտ մեկ մետր բարձրացրած բաժին՝ բառ: Ցածրահասակ ախօռներ՝ մսուրներ այստեղ էլ երբեմն լինում են: Առանձնացվում է տախտակներով կամ բարակ պատով կանոնացր, ինչպես կնիմի մեջ վրբաճուցր՝ հորթանոց:

Գոմի պես մի պարզ շենք է Զանգեզուրում հարդանոցը: Ինչպես հայտնի է, հացահատիկի ծղոտը, հայաբնակ գյուղերում, ինչպես առհասարակ Անդրկովկասում և անմիջապես կից երկրներում, այլ գործադրություն ունի, քան թե Ռուսաստանում և ամենուրեք նվրոպայում: Կալում կամերով կալավելուց հետո ծղոտը վեր է ածվում դարմանի՝ հարդի, որն անասունի համար, մանավանդ ձմեռը, հիմնական կերանյութ է: Այդ պատճառով լավ պայմանների մեջ նրա պահպանումը հատուկ հոգատարություն է պահանջում: Հնագույն ավանդությունը պատմում է, որ Վահագն աստվածն իր կովերը կերակրելու համար գողացել էր հարդը Բարշամին գիբից և փախցրել երկինք: Թափած հարդի ճանապարհն է, որ առաջացել է երկնքում, և այսօր էլ կոչվում է հարդագողի Եանապարհ²⁵: Հարդն այնքան թանկագին բան է գյուղացու համար, որ նույնիսկ նրա աստվածները կանգ չեն առնում կարիք եղած ժամանակ այն գողանալու առջև: Զանգեզուրի հայր հարդը պահում է մաքրում՝ մարագում, որը գոմից շատ ավելի խնամքով է կառուցվում²⁶: Հարդը խոնավությունից պաշտպանելու համար քարե պատերով շենք է կառուցվում, նույնիսկ այն ժամանակ, երբ այն նստած է լինում հողի մեջ: Աշխատում են ընտրել այնպիսի վայր, որ պատերից միայն մեկը, որի մեջ թողած բացվածքով հարդը ներս է ձգվում, լինի հողի մեջ, մյուսները լինեն հողից բարձր: Տանիքի կառուցվածքը հատկապես աչքի առաջ ունի օդափոխության դյուրացումը խոնավությունը հեռացնելու նպատակով: Այդ պատճառով տանիքն ավելի է բարձրացվում, քան թե գոմում և դրա համար միջին սյուների շարքը շատ է վեր ելնում և երկու թևերի թևերությունը ավելանում է, առջևի և ետևի պատերի գլխին առաջ են գալիս եռանկյունի ազատ տարածություններ, որոնք լցվում են ճյուղերի ցանցառ հյուսվածքով, որպեսզի օդը տանիքի տակ շարունակ խաղա: Եթե մաքրի երկարությունը մեծ չէ, բավականանում են մեկ-մեկ սյուն տնկելով այս և այն գլխին և զլուփները մեկ գերանով միացնելով, իսկ եթե մեծ է՝ այդ գերանի տակ կանգնեցվում են մի քանի նեցուկ-սյուներ շենքի մեջտեղով: Կան մաքրաբնեք, որտեղ այդ օժանդակ սյուներին ընդհուպ, պատերին գրեթե հավասար բարձրության վրա ձգված են աջ և ձախ կողմից առջևի պատի գլխից մինչև ետևի պատի գլուխը, մի-մի գերան և այդ ջուխտակ գերանների վրա դարսվում են կօնեք. տանիքի տակ կազմվում է մի հորիզոնական ցանցավոր առաստաղ, որի վրա լցվում է խոտը, իսկ տակը մնում է հարդն՝ առանց իր

²⁵ Այս ճանապարհը հունական ավանդությունն անվանում է «Միր կաթին», բացատրելով որպես հետք այն կաթի, որը դուրս է ցայտել Հերալի ստինքից:

²⁶ Այս հատկապես շեշտում է Փարսադան Տեր-Մովսիսյանն իր վերը հիշած աշխատության մեջ, էջ 68: